

澤州府志

營建
貢賦

冊四第

澤州府志卷之十六

營建志

城池 學校 公署 兵制 壇廟 祠祀 寺觀

易曰重門擊柝以待暴客蓋取諸豫豫也者未事而為之備先事而為之防此築城伊洹之所為詠也城隍嚴周防而公府出政令是營建之所不可弛澤之屬城小而不惡匪曰佳哉蕩蕩而營治之勤不可以不豫故載其始與不沒其繕完凡以紀為豫之嚴密周詳而宮墻之朱丹壇壝之彤蠶與夫牧圉之扞衛並著焉志修舉也為營建志第七

鳳臺縣 附郭

唐貞觀初築明洪武間千戶吳材脩十四年張規甄堯弘治

澤州府志

卷之十六 城池

一

正德間知州吳必顯趙錦相繼脩葺周九里三十步高三丈五尺池深二丈東西南三門隆慶四年知州顧顯仁增築敵臺二十三創敵樓二十三北城樓一座重脩角樓四東西南城樓各二上列女墻覆砌甄孟雷記萬曆三十三年知州賀盛瑞重脩崇禎十二年知州張天維復脩

國朝康熙間知州景文魁脩乙亥地震樓堞圯毀四十四年知州陶自悅重脩補築城上女墻五十八年知州佟國瓏倡捐加脩正樓七角樓四奎樓一敵樓二十三城三面馬道三條女墻攔馬周城九里三十步并疏濬城壕甃城中石街東西三百丈南北三百丈里人王廷揚記

高平縣

宋開寶六年縣令楊咸弼築土城金天眷庚申縣令王廷直



增築周四里高二丈五尺池深一丈東西南三門明弘治七年知縣楊子器脩嘉靖十九年知縣劉大寶增敵樓四敵臺四十隆慶二年知縣劉堯卿重脩角樓敵臺濬壕深廣各二丈又署縣事同知靖四方增高五尺知縣李楨重脩門樓萬曆二十五年冀南道楊應中建議內外甃甃巡撫魏允貞題請知縣馬從龍王省身先後任事甃包內外城高三丈五尺女牆高三尺五寸延袤共一千三百有三丈堞口共一千八百有九上置更舖五十二城樓四角樓四增築甕城三郭東記崇禎間知縣魯光國增脩三門吊橋濬壕

國朝順治十三年知縣范繩祖補脩城垣康熙四十四年知縣梅建重脩女垣并濬壕雍正六年知縣甘士瑛補脩城

澤州府志

卷之十六

城池

二

垣

陽城縣

後魏興安二年築周三里一百八十步高三丈濶一丈池深一丈五尺東西南三門明景泰初知縣劉以文甃甃於東西門建樓南建房並敵臺九座濬壕深如城高數嘉靖間知縣楊登又易以甃堞萬曆五年里人王家宰國光啟當事各捐贖鍰協濟知州于達真佐之知縣張應詔董事築石基城垣以甃甃高三丈五尺厚半之袤五百五十有九丈增敵樓十座東北建城樓達真國光各有記崇禎間知縣楊鎮原於城西北建樓東西各增甕城甃甃知縣李定榮城北建樓城西北岡爲本邑來脉居民取土漸致侈劃國朝順治十六年知縣陳國珍脩補之刻石垂戒雍正二年

知縣彭景曾重脩七年知縣吳紹祚加脩三城門樓及八
堞樓內外城垣

陵川縣

隋大業間築周二里二百三十二步高二丈三尺池深五尺
東南北三門明嘉靖十二年知縣李騏重脩甃以甃石增
高三丈五尺二十二年縣丞馬忠臣增脩知縣劉廷儀建
城門樓三隆慶二年知縣馬宗孝增脩萬曆四年知縣劉
汝江甃甃南城內面十一年知縣宋承規甃包環城四面
十七年知縣完東氣重建東門北門四十二年知縣段實
重脩南門

國朝康熙五十六年知縣蔣景楷補脩城東南一面雍正二
年知縣胡方騰重脩東城西城

澤州府志

卷之十六

城池

三

沁水縣

隋開皇間築周二里一百步池深一丈東西北三門門各有
樓明洪武間縣丞陳德正統中知縣賈茂景泰中知縣張
昇正德中知縣王溱相繼重脩嘉靖中知縣張爵加脩城
東臨河常患衝塌因築石堤障之患始息萬曆中知縣扈
文魁重脩崇禎間流賊攻毀署事州同張大爲重脩并濬
壕

國朝順治中知縣劉昌重脩知縣尙金章縣丞張宗周加脩
護堤康熙三十三年河水復溢知縣趙鳳詔導河從碧峰
山下遠流自爲記乙亥地震城堞傾毀鳳詔重脩雍正四
年知縣錢元台補脩城西北角雍正十年知縣田欣又補
脩城西北角十二年知縣何陳宮築城西南堤障河水

終

